

Na osnovu člana 229. Zakona o bankama ("Službene novine Federacije BiH", broj 27/17), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17), člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj 03/18), Upravni odbor Agencije za bankarstvo Federacije Bosne i Hercegovine, na sjednici održanoj 27.02.2023. godine donosi

ODLUKU O USLOVIMA KADA SE BANKA SMATRA NESOLVENTNOM

Član 1.

Ovom odlukom se bliže propisuju uslovi kada je vrijednost svih obaveza banke veća od vrijednosti imovine banke odnosno kada se banka smatra nesolventnom.

Član 2.

- (1) Vrijednost obaveza iz člana 1. ove odluke predstavlja stanje svih obaveza koje se prikazuju u bilansu stanja banke na izvještajni datum.
- (2) Vrijednost imovine iz člana 1. ove odluke predstavljaju:
 - a) iznos vrijednosti aktive banke procijenjen u skladu sa Odlukom o upravljanju kreditnim rizikom i utvrđivanju očekivanih kreditnih gubitaka, Uputstvom za klasifikaciju i vrednovanje finansijske aktive, Odlukom o izračunavanju kapitala banke, te drugim primjenjivim propisima, odnosno iznos aktive koji se prikazuje u bilansu stanja banke na izvještajni datum i
 - b) iznos viška realno procijenjenih prihoda nad rashodima banke u periodu do kraja godišnjeg obračunskog perioda, odnosno do kraja tekuće poslovne godine.

Član 3.

Danom stupanja na snagu ove odluke prestaje da važi Odluka o uslovima kada se banka smatra nesolventnom ("Službene novine Federacije BiH", broj 81/17).

Član 4.

Ova odluka stupa na snagu osmog dana od dana objavljivanja u "Službenim novinama Federacije BiH".

**Broj: U.O.-09-03/23
Sarajevo, 27.02.2023. godine**

**PREDSJEDNICA
UPRAVNOG ODBORA**

Ivanka Galić, dipl.ecc., s.r.